



14  
1544  
136



14  
1544  
136

全五代詩卷七十一

羅江李調元雨村

編

吳越

羅隱五

寄處默師

甘露衣簾看雨脚  
松亭倚柱望潮頭  
十年願我醉中過  
兩地與師方外遊  
久隔兵戈常寄夢  
近無書信更堪憂  
香爐烟靄虎溪月  
終棹鐵船尋惠休

經耒陽杜工部墓

紫菊馨香覆楚醪  
莫君江畔雨蕭蕭  
旅魂自是才相累

全五代詩卷七十一  
羅江李調元雨村  
吳越  
羅隱  
寄處默師  
經耒陽杜工部墓

136

全五代詩卷七十一

羅江李調元雨村編

吳越

羅隱五

寄處默師

甘露卷簾看雨脚  
棹亭倚柱望潮頭  
十年願我醉中過  
兩地與師方外遊  
久隔兵戈常寄夢  
近無書信更堪憂  
香爐烟靄虎溪月  
終棹鐵船尋惠休

經耒陽杜工部墓

紫菊馨香覆楚醪  
奠君江畔雨蕭騷  
旅魂自是才相累

全五代詩

卷七十一

吳越

一

閑骨何妨塚更高  
駉驥喪來空蹇蹶  
芝蘭衰後長蓬蒿  
屈原宋玉鄰君處  
幾駕青螭緩鬱陶

昇平公主舊第

乘鳳仙人降此時  
玉篇纔罷到文詞  
兩輪水磴光明照  
百尺鮫綃換好詩  
帶礪山河今盡在  
風流樽俎見無期  
壇場客散香街暝  
惆悵齊竽取次吹

寄黔中王從事

故人刀筆事軍書  
南轉黔江半月餘  
別後鄉關情幾許  
近來詩酒興何如  
貪將醉袖矜鶯谷  
不把瑤緘附鯉魚  
今日舉觴君莫問  
生涯牢落鬢蕭疎

寄徐濟進士

往年疎嬾共江湖  
月滿花香記得無  
霜壓楚蓮二後折  
雨催蠻酒夜深酤  
紅塵偶別迷前事  
丹桂相傾媿後徒  
出得函關抽得手  
從來不及阮元瑜

寄喬逸人

南經湘浦北揚州  
別後風帆幾度游  
春酒誰家禁爛熳  
野花何處最淹留  
欲憑尺素邊鴻嬾  
未定雕梁海燕愁  
長短此行須入手  
更饒君占一年秋

裴庶子除太僕卿因賀

楚娃班序未為輕  
莫惜良途副聖明  
宮省舊推皇甫謐

寺曹今得夏侯嬰秩隨科第臨時貴官逐簪裾到處清  
應笑馬安虛巧宦四迴遷轉始為卿

寄池州鄭員外

獸遶朱輪酒滿船郡城蕭灑貴池邊衣同萊子曾分筆  
扇似袁宏別有天九點好山樓上客兩行高柳雨中煙  
陵陽百姓將何福祉舞村歌又一年

歸夢

陸海波濤漸漸深一迴歸夢抵千金路傍草色休多事  
牆外鶯聲肯有心日晚向隅悲斷梗夜闌澆酒哭知音  
貪財敗陣誰相悉鮑叔如今不可尋

酬寄右司李員外

當年憶見桂枝春自此清途未四旬左省望高推健筆  
右曹官重得名人閑攜麗藻嫌秋興靜獵遺編笑過秦  
猶把隨和向泥滓應憐疎散任天真

送宣武徐巡官

傲睨公卿二十年東來西去只悠然白知關畔元非馬  
元覺壺中別有天漢帝詔銜應異日梁王風雪是初筵  
臨行不惜刀圭便愁殺長安買笑錢

冬暮寄裴郎中

曉髮星星入鏡宜早年容易近年悲敢言得事時將晚

只恐酬恩日漸遲南國傾心應望速東堂開口欲從誰  
仙郎舊有黃金約滙膽隳肝更禱祈

登宛陵條風樓寄竇常侍

亂罹時節懶登臨試借條風半日吟只有遠山含暖律  
不知高閣動歸心溪喧晚棹千聲浪雲護寒郊數丈陰  
自笑疎慵似麋鹿也教臺上費黃金

寄京闈陸郎中昆仲

柏臺蘭署四周旋賓榻何妨雁影連纔見玳簪歌細柳  
便知油幕勝紅蓮家從入洛聲名大跡為依劉事分偏  
爭奈亂罹人漸少麥城新賦許誰傳

送顧雲下第

行行杯酒莫辭頻怨歎勞歌兩未伸漢帝後宮猶識字  
楚王前殿更無人年深旅舍衣裳敝潮打村田活計貧  
百歲都來多幾日不堪相別又傷春

送劉校書之新安寄吳常侍

野雲如火照行塵會績溪邊去問津才子省銜非幕客  
楚君科第是同人狂思下國千場醉病負東堂兩度春  
日酒筵應見問鹿裘漁艇隔朱輪

官池秋夕

池邊月影閑婆娑池上醉來成短歌芙蓉渠抵死怨珠露

蟋蟀苦口嫌金波往事向人言不得舊遊臨老恨空多  
松醪作酒蘭為棹十載煙塵奈爾何

奉使宛陵別二三從事

梁王雪裏有深知偶別家鄉隔路歧官品共傳勝曩日  
酒杯爭肯忍當時豫章地暖矜千尺越嶠天寒愧一枝  
還有釣魚蓑笠在不堪風雨失歸期

送裴饒歸會稽

金庭路指剡川隈珍重良朋自此來兩鬢不堪悲歲月  
一色猶得話塵埃家通曩分心空在世逼橫流眼未開  
笑殺山陰雪中客等閑乘興又須回

送程尊師之晉陵

棟間雲出認行軒郊外陰夏木餘高道乍為張翰侶  
使君兼是世龍孫溪含一曲清連底酒貫餘杭涿滿罇  
莫見時危便乘興人來何處不桃源

寄崔慶諒

故人何處又留連月冷風高鏡水邊文陣解圍纔昨日  
醉鄉分袂已三年交情澹泊應長在俗態流離且勉旃  
還擬山陰一乘興雪寒難得渡江船

寄楊秘書

蕭蕭檐雪打窗聲因憶江東阮步兵兩信海潮書不達

數峯稽嶺眼長明  
梅蘂幾處垂鞭看酒好  
何人倚檻傾  
會待與君開秫甕  
滿船般載鏡中行

酬章處士見寄

中原甲馬未曾安  
今日逢君事萬端  
亂後幾回鄉夢隔  
別來何處路行難  
霜鱗共落三門浪  
雪鬢同歸七里灘  
何必新詩更相戲  
小樓吟罷暮天寒

秦望山僧院

巉巖危岫倚滄洲  
聞說秦皇亦此遊  
霸主卷衣纔二世  
老僧傳錫已千秋  
陰崖水賴松梢直  
蘚壁苔侵畫像愁  
各是病來俱未了  
莫將煩惱問湯休

寄程尊師

鶴信雖然到五湖  
煙波迢遞路崎嶇  
玉書分薄花生眼  
金鼎功遲雪滿鬚  
三秀紫芝勞夢寐  
一番紅槿恨朝晡  
未知朽敗凡間骨  
中授先生指教無

送程尊師東遊有寄

華蓋峰前擬卜耕  
主人無奈又閑行  
且憑鶴駕尋滄海  
又恐犀軒過赤城  
絳簡便應朝右弼  
紫旄兼合見東卿  
勸君莫忘歸時節  
芝似螢光處處生

江亭別裴饒

行杯且待怨歌終  
多病憐君事事同  
衰鬢別來光景裏



故鄉歸去亂雁中乾坤墊裂三分在并邑摧殘一半空  
日晚長亭問西使不堪車馬尚萍蓬

錢唐見芡蓬

蔡倫池北雁峰前雁亂相兼十九年所喜故人猶會面  
不堪良牧已重泉醉思把筯歌席狂憶判身入酒船  
今日與君贏得在戴家灣裏兩皤然

湖上歲暮感懷有寄友人

雪天螢席幾辛勤同志當時四五人蘭版地寒俱愛露  
桂堂風惡獨傷春書久絕應埋玉編簡難言竟委塵  
唯有廣都龐令在白頭樽酒憶交親

送詒光大師

師以草書應制

禹祠分首戴灣逢健筆尋知達九重聖主賜衣憐絕藝  
侍臣摘藻許高蹤寧親久別街西寺待詔初離海上峰  
一種苦心師得了不須回首笑龍鍾

感懷

石徑松軒亦自由謾隨浮世逐飄流駑駘路結前程恨  
蟋蟀牀生半夜秋揜耳惡聞宮妾語低顏須向路人羞  
雖教小事相催迫未到青雲擬白頭

縣齋秋晚酬友人朱瓚見寄

中和節後捧瓊瑰坐讀行吟數月來只歎雕龍方擅價

全五代詩 卷七十一  
不知賴尾竟空回千枝白露陶潛柳百尺黃金郭隗臺  
惆悵報君無玉案水天東望一裴徊

秋日有寄

丹青未合便回頭見盡人間事始休只有百神朝寶鏡  
永無纖浪犯虛舟曾臨鐵甕雖分職近得金陵亦偶遊  
東去西來人不會上卿蹤跡本元洲

送前南昌崔令替任映攝新城縣

五年苛政甚蟲螟深喜夫君已戴星大旗不唯專禮樂  
上才終是惜生靈亦知單父琴猶在莫厭東歸酒未醒  
二月春風何處好亞夫營畔柳青青

下第作

年年模樣一般般何似東歸把釣竿岳谷謾勞思雨露  
彩雲終是逐鷓鴣塵迷魏闕身應老水到吳門葉欲殘  
至竟窮途也須達不能長與世人看

重過三衢哭孫員外

爛柯山下忍重到雙檜樓前日欲殘華屋未移春照灼  
故侯何在淚沈瀾不唯濟物工夫大長憶容才尺度寬  
一慟旁人莫相笑知音衰盡路行難

送蘄州裴員外

六枝仙桂最先春蕭灑高辭九陌塵兩晉家聲須有主

六朝文雅別無人，榮驅豹尾拋同輩。貴上螭頭見近臣，  
蘄水蒼生莫相羨。早看歸去掌絲綸。

重九日廣陵道中

秋山抱病何處登，前時韋曲今廣陵。廣陵大醉不解悶，  
韋曲舊遊堪拊膺。佳節縱饒隨分過，流年無奈得人憎。  
却驅羸馬向前去，牢落路歧非所能。

旅舍書懷寄所知

思量前事不堪尋，牢落餘情滿素琴。四海豈無騰躍路，  
一家長有別離心。道從汨沒甘雌伏，跡恐因循更陸沈。  
寂寞誰應弔空館，異鄉時節獨霑襟。

簡令生日

祥煙靄靄拂樓臺，慶積元元節後來。已向青陽標四序，  
便從嵩嶽應三台。龜銜玉柄增年筭，鶴舞瓊筵獻壽杯。  
自願下儒何以祝，柱天功業濟時才。

西川與蔡十九同別子超

相歡雖則不多時，相別那能不斂眉。蜀客賦高君解愛，  
楚宮腰細我還知。百年恩愛無終始，萬里因緣有夢思。  
腸斷門前舊行處，不堪全屬五陵兒。

龍泉東下却寄孫員外

穀江東下幾多程，每泊孤舟即有情。山色已隨遊子遠，

水紋猶認主人清恩如海岳何時報恨似煙花觸處生  
百尺風帆兩行淚不堪迴首望崢嶸

牡丹

艷多煙重欲開難紅藥當心一抹檀公子醉歸燈下見  
美人朝挿鏡中看當庭始覺春風貴帶雨方知國色寒  
日晚更將何所似太真無力凭闌干

送盧端公歸臺盧校書之夏縣

綿綿隄草拂征輪龍虎俱辭楚水濱只見勝之為御史  
不知梅福是仙人地推八米源流盛才笑三張事業貧  
一種西歸一般達柏臺霜冷夏城春

送朗州張員外

聖朝綸閣最延才須牧生民始入來鳳藻已期他日用  
隼旟應是隔年迴旗飄峴首嵐光重酒奠湘江杜魄哀  
腸斷秦原二三月好花全為使君開

淮南送工部盧員外赴關

始從豸角曳長裾又吐鷄香奏玉除隋邗舊僚推謝掾  
漢廷高議得相如貴分赤筆升蘭署榮著緋衣從板輿  
遙想到時秋欲盡禁城涼冷露槐疎

送陸郎中赴關

幕下留連兩月強爐邊侍史舊焚香不關雨露偏垂意

白是鴛鴦合著行三署履聲通建禮九霄星彩映明光  
少瑜鏤管邨遲錦從此西垣使鳳凰

途中送人東遊有寄

離驂莫惜暫逡巡君向池陽我入秦歲月易拋非曩日  
酒杯難得是同人路經隋苑橋燈夜江轉臺城岸草春  
此處故交誰見問為言霜鬢壓風塵

長明燈

破暗長明世代深煙和香氣兩沈沈不知初點人何在  
祇見當年火至今曉似紅蓮開沼面夜如寒月鎮潭心  
孤光自有龍神護雀戲娥飛不敢侵

送友人歸夷門

二年流落大梁城每送君歸即有情別路算來成底事  
舊遊言著似前生苑荒嬾認詞人會門在空憐烈士名  
至竟男兒分應定不須惆悵谷中鶯

湘中見進士喬詡

吳公臺下別經秋破虜城邊暫駐留一笑有情堪解夢  
數年無故不同遊雲牽楚思橫魚艇柳送鄉心入酒樓  
且酌松醪依舊醉誰能相見向春愁

錢塘江潮

怒聲洶洶勢悠悠羅刹江邊地欲浮漫道往來存大信

也知反覆向平流任拋巨浸疑無底猛過西陵只有頭  
至竟朝昏誰主掌好騎鯨鯨問陽侯

送人赴職任褒中

物態時情難重陳夫君此去莫傷春男兒只要有知己  
才子何堪更問津萬轉江山通蜀國兩行珠翠見褒人  
海棠花謝東風老應念京都共苦辛

早春送張坤歸大梁

蕭蕭羸馬正塵埃又送輜軒向吹臺別酒莫辭今夜醉  
故人知是幾時回泉經華岳猶應凍花到梁園始合開  
為謝東門抱關吏不堪惆悵滿離杯

寄渭北徐從事

暖雲慵墮柳垂條驄馬徐郎過渭橋官秩舊參荀祕監  
罇罍今伴霍嫖姚科隨鵠箭頻曾中禮向侯弓以重招  
莫恨東風促行李不多時節却歸朝

寄三衢孫負外

小敷文伯見何時南望三衢渴復飢天子未能崇典誥  
諸生徒欲戀旌旗風高綠野苗千頃露冷平樓酒滿卮  
盡是數旬陪奉處使君爭肯不相思

淮南送盧端公歸臺

鳳鸞勢逸九霄寬北去南來任羽翰朱紱兩驂王儉府

全五代詩 卷七十一  
繡衣三領杜林官道從上國曾匡濟才向牢盆始重難  
應笑張綱謾生事埋輪不得在長安

撫州別阮兵曹

雪晴天外見諸峰幽軋行輪有去蹤內史宅邊今獨恨  
步兵厨畔舊相容十年別鬢疑朝鏡千里歸心著晚鐘  
若不他時更青眼未知誰肯薦臨邛

新安投所知

少年容易捨樵漁曾辱明公薦子虛漢殿夜寒時不食  
宋都風急命何疎雲埋野艇吟歸去草沒山田賦遂初  
長劍一尋歌一奏此心爭肯為鱸魚

淮南高駢所造迎仙樓

鸞音鶴信杳難迴鳳駕龍車早晚來仙境是誰知處所  
人間空自造樓臺雲侵朱檻應難到蟲網閉窗永不開  
子細思量成底事露凝風擺作塵埃

重送朗州張員外

朱輪此去正春風且駐青雲聽斷蓬一榻早年容孺子  
雙旌今日別文翁誠知汲善心長在爭奈干時跡轉窮  
酬德酬恩兩無路謾勞惆悵鳳城東

廣陵秋夜讀進士常修三篇因題

入蜀歸吳三首詩藏於笥篋重於師劒關夜讀相如聽

瓜步秋吟場帝悲景物也知翰健筆時情誰不許高枝  
明年二月春風裏江島閑人慰所思

漢江上作

漢江波浪淥於苔每到江邊病眼開  
半雨半風終日恨無名無跡幾時迴  
雲生岸谷秋陰合樹接帆檣晚思來  
對此空慚聖明代忍教纓上有塵埃

秋夜寄進士顧榮

秋河耿耿夜沈沈往事三更盡到心  
多病謾勞窺聖代薄才終是費知音  
家山夢後帆千尺塵土搔來髮一簪  
空羨良朋盡高價可憐東箭與南金

病驄馬

樾上病驄蹄裏裏江邊廢宅路迢迢  
自經梅雨長垂耳乍食菘蕪欲折腰  
金絡銜頭光未滅玉花毛色瘦來焦  
曾聽禁漏驚街鼓慣踏康莊怕小橋  
夜半雄聲心尚壯日中高卧尾還搖  
龍媒落地天池遠何事牽牛在碧霄





全五代詩卷七十二

羅江李調元雨村 編

吳越

羅隱六

棚口逢人

艱難別離久中外往還深已改當時髮空餘舊日心

遇邊使

累年無的信每夜望邊城袖掩千行淚書封一尺金

移住別友

自到西川住惟君別有情常逢對門遠又隔一重城

雪

盡道豐年瑞豐年瑞若何長安有貧者為瑞不宜多

書懷

釣船拋却異鄉來擬向何門用不才日晚獨登樓上望  
馬蹄車轍滿塵埃

偶興

逐隊隨行二十春曲江池畔避車塵如今贏得將衰老  
閒看人間得意人

京中晚望

心如野鹿跡如萍謾向人間性一靈往事不知多少夢

夜來和酒一時醒

始皇陵

荒堆無草樹無枝嬾向行人問昔時六國英雄漫多事  
到頭徐福是男兒

浮雲

溶溶曳曳自舒張不向蒼梧即帝鄉莫道無心便無事  
也曾愁殺楚襄王

香

沈水良材食柏珍博山煙煖玉樓春憐君亦是無端物  
貪作馨香忘却身

鄴城  
臺上年年揜翠蛾  
臺前高樹夾漳河  
英雄亦到分香處  
能共常人較幾多

西施

家國興亡自有時  
吳人何苦怨西施  
西施若解傾吳國  
越國亡來又是誰

自遣

得即高歌失即休  
多愁多恨亦悠悠  
今朝有酒今朝醉  
明日愁來明日愁

銅雀臺

強歌強舞竟難勝  
花落花開淚滿膺  
祗合當年伴君死  
免教憔悴望西陵

鸚鵡

莫恨雕籠翠羽殘  
江南地暖隴西寒  
勸君不用分明語  
語得分明出轉難

梅

天賜胭脂一抹腮  
盤中磊落笛中哀  
雖然未得和羹便  
曾與將軍止渴來

煬帝陵

入郭登橋出郭船  
紅樓日日柳年年  
君王忍把平陳業

全五代詩  
卷五  
只博雷塘數畝田

柳

灞岸晴來送別頻，相偎相倚不勝春。  
自家飛絮猶無定，爭解垂絲絆路人。

秦紀

長策東鞭及海隅，龜鼉奔走鬼神趨。  
憐君未到沙邱日，肯信人間有死無。

仙掌

掌前流水駐無塵，掌下軒車日日新。  
謾向山頭高舉手，何曾招得路行人。

淚

遍臉橫頤咽復勻，也曾讒毀也傷神。  
自從魯國潛然後，不是姦人即婦人。

王濬墓

男兒未必盡英雄，但到時來即命通。  
若使吳都猶王氣，將軍何處立殊功。

圍城偶作

東望陳留日欲曛，每因刀筆想夫君。  
自從郭泰碑銘後，只見黃金不見文。

贈妓雲英

鑑戒錄云鍾陵妓雲英隱與舊下第見之雲英曰羅秀才尚未脫白隱贈詩云

全五代詩

卷五

吳越

四

鍾陵醉別十餘春重見雲英掌上身我未成名君未嫁  
可憐俱是不如人

故都

江南江北兩風流一作迷津一拜侯至竟不如隋煬帝  
破家猶得到揚州

獻尚父大王

數年鐵甲定東甌夜渡江山瞻斗牛今日朱方平殄後  
虎符龍節十三州

蜂

不論平地與山尖無限風光盡被占採得百花成蜜後

為誰辛苦為誰甜

簾

翡翠佳名世共稀玉堂高下巧相宜殷勤為囑纖纖手  
捲上銀鉤莫放垂

嚴陵灘

中都九鼎勤英髦漁釣牛蓑且遁逃世祖升遐夫子死  
原陵不及釣臺高

華清宮

樓閣層層佳氣多開元時節好笙歌也知道德勝堯舜  
爭奈楊妃解笑何

帝幸蜀

馬嵬山色翠依依又見鑿輿幸蜀歸  
泉下阿蠻應有語這迴休更怨楊妃

鷺鷥

斜陽澹澹柳陰陰風裏寒絲映水深  
不要向人誇素白也知常有羨魚心

書淮陰侯傳

寒燈挑盡見遺塵試瀝椒漿合有神  
莫恨高皇不終始滅秦謀項是何人

小松

已有清陰逼座隅愛聲仙客肯過無  
陵遷谷變須高節莫向人間作大夫

竹

籬外清陰接藥闌曉風交夏碧琅玕  
了猷死後知己少粉節霜筠謾歲寒

謾天嶺

西去休言蜀道難此中危峻已多端  
到頭未會蒼蒼色爭得禁他兩度謾

江南

玉樹歌聲澤國春纍纍輜重憶亡陳  
垂衣端拱渾閑事

恐把江山乞與人

江北

廢宮荒苑莫閑愁成敗終須要徹頭一種風流一種死  
朝歌爭得似揚州

人日新安道中見梅花

其年以徐  
應鑾

長途酒醒臘春寒嫩藥香英撲馬鞍不上壽陽公主面  
憐君開得却無端

蟬

天地工夫一不遺與君聲調借君緜風棲露飽今如此  
應忘當年滓濁時

宮詞

巧畫蛾眉獨出羣當時人道便承恩經年不見君王面  
落日黃昏空掩門

涇溪

涇溪石險人競懼終歲不聞傾覆人却是平流無石處  
時時聞說有沈淪

題杜甫集

楚水悠悠浸楚亭楚南天地兩無情思交孫武重泉下  
不見時人說用兵

春風

五代詩

卷之二

吳越

七

也知有意吹噓切爭奈人間善惡分但是批糠微細物  
等閑擡舉到青雲

席上歌水調

餘聲宛宛拂庭梅通濟渠邊去又回若使煬皇魂魄在  
為君應合過江來

題新榜

黃土原邊狡兔肥犬如流雷馬如飛灞陵老將無功業  
猶憶當時夜獵歸

早行二首

此去南來無定居此生計竟何如酷憐一覺平明睡

長被雞聲惡破除

雨灑江聲風又吹扁舟正與睡相宜無端戍鼓催前去  
別却青山向曉時

宿紀南驛

策蹇南游憶楚朝陰風淅淅樹蕭蕭不知無忌奸邪骨  
又作何山野葛苗

烏程

兩府攀陪十五年郡中甘雨幕中蓮一瓶猶是烏程酒  
須對霜風淚泫然

野狐泉

全五代詩

卷七十二

吳越

八



滴滴寒光濺路塵相傳妖物此潛身又應改換皮毛後  
何處人間作好人

金山僧院

根盤蛟蜃路藤蘿四面無塵輟棹過得似吾師始惆悵  
眼前終日有風波

紀事載隱又有句云老僧齊  
罷關門睡不覺波濤四面生

題鑿石山僧院

日夜潮聲送是非一回登眺一忘機憐師好事無人見  
不把蘭芽染褐衣

夜泊義興戲呈邑宰

溪畔維舟問戴星此中三害在圖經長橋可避南山遠

却恐難防是醉靈

贈無相禪師

人人盡道事空王心裏忙於市井忙惟有馬當山上客  
死門生路兩相忘

寄聶尊師

欲芟荆棘種交梨指畫城中日恐遲安得紫青磨鏡石  
與君閒處看榮衰

寄竇澤處士二首

蘭亭辭客舊知聞欲問平安隔海雲不是金陵錢太尉  
世間誰肯更容身

鰲背樓臺拂白榆此中槎客亦踟躕  
山道士無仙骨却向人間作酒徒

許由廟

高挂風瓢濯漢濱土階三尺愧清塵  
可憐比屋堪封日若到人間是衆人

八駿圖

穆滿當年物外程電腰風脚一何輕  
如今縱有驂騑在不得長鞭不肯行

姑蘇臺

讓高秦伯開基日賢見延陵復命時  
未會子孫因底事

解崇臺榭為西施

焚書坑

千載遺踪一窖塵路傍耕者亦傷神  
祖龍算事渾乖角將為詩書活得人

四皓廟

漢惠秦皇事已聞廟前喬木眼前雲  
楚王謾費閭心力六里青山盡屬君

韓信廟

翦項夷秦勢已雄布衣還是負深功  
懦夫女子俱堪恨却把餘杯奠蒯通

董仲舒

災變儒生不合聞  
漫將刀筆指乾坤  
偶然留得陰陽術  
閉却南門又北門

望思臺

芳草臺邊魂不歸  
野煙喬木弄殘暉  
可憐高祖清平業  
留與閒人作是非

韋公子

擊柱狂歌慘別顏  
百年人事夢魂間  
李將軍自家聲在  
不得封侯亦自閒

王夷甫

把得閒書坐水濱  
讀來前事亦酸辛  
莫言麈尾清談柄  
壞却淳風是此人

羅敷水

雉聲角角野田春  
試駐征車問水濱  
數樹枯桑雖不語  
思量應合識秦人

青山廟

市簫聲咽跡崎嶇  
雪恥酬恩此丈夫  
伯主兩忘時亦異  
不知魂魄更歸無

孟浩然墓

數步荒榛接舊蹊  
寒郊漠漠雨凄凄  
鹿門黃土無多少

恰到書生塚便低

淮口軍葬

一陣孤軍不復迴更無分別只荒堆莫言賦分須如此  
曾作文皇赤子來

貴游

館陶園外雨初晴繡轂香車入鳳城八尺家童三尺筆  
何知高祖要蒼生

京中正月七日立春

一二三四五六七萬木生芽是今日遠天歸雁拂雲飛  
近水遊魚迸冰出

七夕

月帳星房次第開兩情惟恐曙光催時人不用穿針待  
沒得心情送巧來

中秋不見月

風簾浙浙漏燈痕一半秋光此夕分天為素娥孀怨苦  
併教西北起浮雲

中秋夜不見月

陰雲薄暮上空虛此夕清光已破除只恐異時開霽後  
玉輪依舊養蟾蜍

竹下殘雪

五代詩

牆下濃陰對此君  
小山尖險玉為羣  
夜來解凍風雖急  
不向寒城減一分

杏花

暖氣潛催次第春  
梅花已謝杏花新  
半開半落閒園裡  
何異榮枯世上人

柳

一簇青煙鎖玉樓  
半垂欄畔半垂溝  
明年更有新條在  
繞亂春風卒未休

隋堤柳

夾岸依依千里遥  
路人回首認隋朝  
春風未悉宣華意

猶費工夫長綠條

鎮海軍所貢

簷前飛雪扇前塵  
千里移添上苑春  
他日丁寧柿林院  
莫宣恩澤與閒人

金錢花

占得佳名繞樹芳  
依依相伴向秋光  
若教此物堪收貯  
應被豪門盡劖將

病中題主人庭鶴

遼水華亭舊所聞  
病中毛羽最憐君  
稻梁且足身兼健  
何必青雲與白雲

子規

銅梁路遠草青青此恨那堪枕上聽  
一種有冤無可報不如銜石疊滄溟

簾

疊影重紋映畫堂玉鈎銀燭共熒煌  
會應得見神仙在休下真珠十二行

白角篔

白似瓊瑤滑似苔隨梳伴鏡拂塵埃  
莫言此箇尖頭物幾度撩人惡髮來

聽琴

寒雨蕭蕭落井梧夜深何處怨啼鳥  
不知一盞臨卽酒救得相如渴疾無

聽琵琶

香筵酒散思朝散偶向梧桐暗處聞  
大抵曲中皆有恨滿樓人自不知君

章魯封

魯封桐廬人舉進士不第與羅隱齊名  
時號章羅武肅王辟為表奏孔目官累遷  
蘓州刺史著

章子三卷

北夢瑣言屯難之世君子遭遇不幸往往有之唐進士章魯封與羅隱齊名人號章羅皆浙中人頻舉不第聲采甚著錢尚父土豪崛起號錢塘八都洎破董昌奄有杭越於是章羅二士羅其籠罩然其出于草萊未諳事體重縣宰而輕郎官嘗曰某人

非才只可作郎官不堪作縣令即可知也以章魯封為表奏孔目官章  
拒而見答差羅隱案錢塘皆畏死稟命也章羅以之為取錢公用之為  
禁玉石俱焚吁可惜也或云章魯  
封後典蘇州著章子三卷行於世

謔池毫二州賓佐無寄宣武軍掌書記李晝池州杜少府

毫州章中丞仕符二君皆以長年精永釋道樂營子女厚給衣糧任其外住  
若有宴飲方一名來柳際花間任為嬉樂誰中舉子章魯封為詩謔其賓佐  
兼寄李詩云云李晝戲酬詩云秋浦亞卿顏叔子誰  
都中憲老桑門如今柳巷通車馬唯恐他時立棘垣

杜叟學仙輕蕙質韋公事佛畏青娥樂營却是閒人管  
兩地風情日漸多

全五代詩卷七十三

羅江李調元雨村 編

吳越

杜建徽

建徽字延光新登人隨錢鏐征伐累功官至涇  
源昭化諸軍節度使丞相兼中書令封鄖國公

卒年八十八贈太師謚威烈全唐詩話建徽累征伐皆單  
衣入陣敵無不披靡年老尚

能騎射嘗從擊寇於廣場興酣有宿中箭  
鐵自臂中飛出人皆壯之為詩自叙云云

自叙

中劍斫耳缺被箭射脾過為將須用膽有膽即無賈

全五代詩

吳越

皮光業

光業字文通日休之子蘇州人武肅王辟幕府  
 署浙西節度判官賜進士及第仍加秘書郎授  
 右補闕內供奉賜金紫兼兩浙觀察使文穆王  
 命知東府事天福二年拜丞相卒謚貞敬所著

有皮氏見聞錄

十國春秋光業父日休有盛名唐末為蘇州軍  
事判官大常博士遂家焉光業生于姑蘇十歲

能屬文及長以所業謁武肅王與沈松林昂同辟幕府凡教令儀注多  
所考定光業美容儀善談論見者或以為神仙中人性嗜茗常作詩以  
茗為苦口師園中多傳其癖弟光隣官温州刺史子璩官元帥府判  
官著有鹿門家鈔詩詠三世皆以文雄江東識者榮之 紫槐軒雜  
綴光業五七言詩賈闋仙之儔也有燒平樵路出潮落海山高之句作  
者多許之 西清詩話光業有句云行人折柳和輕絮飛燕啣泥帶落  
花 青異錄光業最耽茗事一日中表請嘗新柑簪綴叢集總至未願  
尊疊而呼茶甚急徑進一巨觥題詩曰未見甘心氏先嘗苦口師

武肅王廟碑銘

崧高嶙峋是生哲人上天獅子出澤麒麟錢尊殷祖鄭  
 允唐臣衣冠素裏文武經綸廣運將新大盜斯起雁象  
 剡驚鳧毛亂委紫蓋蒙鹿黃金多壘既敦憲章又裂文  
 軌武肅英王提劍東方龍行雲雨虎變文章字氣沃酒  
 妖雪歸湯洗滌星紀整頓天常告功狼居圖形麟閣相  
 珪聯編茅土續索三道犀幢八朝鳳幄丹券家門錦衣  
 城郭元帥天下國王具區六瑞琢冊三品鑄符尚父四  
 履尚書萬樞峴峨高壽曦赫霸國我王奉天為時而出  
 傳寶應金繼輝趙日國士無篋又風華第一削樹平戎夢



未受秩功既挺世德又動天龍封二冊嗣位三年金應  
 國寶元帥兵權忠無瑕類孝絕雕鐫未禡墨纒乃建清  
 廟臥龍之城金稽之嶠嵐界迴廊粉明周繚廣殿霞開  
 重門兵峭瑞玉禮器香檀聖容民之祀主我之神宗秉  
 翟執籥特磬編鐘然蕭煇腓寔幣輪琮於穆祠中煥然  
 陰府五齊恒馨六佾常舞飾薦房蒸歌隨路鼓令子懿  
 孫光今顯古

謝鶚

鶚南康人仕吳越

十國春秋鶚舉唐進士兒時夢浴溪中有人以珠一器遺之曰吞此則明悟矣鶚吞細珠

六十餘顆及長善為詩有文名寶大時朱行先勤王事而致鶚為撰墓誌一時推許其詞云云 調元按吳越詩多殘闕如皮光業謝鶚俱能

詩而所傳止銘詞殊為可惜其不見全什者俱附記于此 吳越備史元

德昭字明遠本姓危撫州南城縣人仕吳越忠獻王拜丞相理家以孝愛

聞每時序置酒環列几席者凡四從嘗為詩云滿堂羅綺兼紫紫四代兒

孫奉老翁 五代詩話林昂字渙文閩人也父無隱昂生于明州大隱村

初刺史黃晟頗好禮士無隱依之有詩名嘗為詩云雪消二月江湖潤花

發千小道路香知言者以無隱必有貴子昂事吳越果至丞相 西清詩

話吳越司賓沈翰文湖州人有遊西湖詩云菰米蘋花似故鄉不是不歸

歸未得好風明月一思量惜缺其首句武肅遂授以湖州刺史 五代史

補僧契盈閩中人通內外學性尤敏速廣順初遊戲錢塘一日陪吳越王

遊碧波亭時潮水初滿舟楫輻輳望之不見其首尾王喜曰吳國地土京

師三千餘里而誰知一水之利有如此耶可謂三千里外一條水契盈對

曰十二時中兩度潮時人謂之佳對時江南未通兩浙貢賦自海路而至

青州故云 三千里也

檢校尚書左僕射朱公誌銘

挺生英特邈爾奇形素蘊豹畧能精武經戈鋌再舉氛  
 侵廓清從茲勇冠大播家聲盛績既彰威名遂振靜守

謙敬動知逆順惟此侯王賞其忠信不有殊功疇遷劇  
鎮匡吳志大佐越功全一人注意百辟推賢方務剖竹  
宜分重權孰謂梁木俄隨逝川生作忠臣沒留遺策眷  
彼令嗣恭承帝澤丹旒斯引元宮已闢萬歲千秋芳塵  
永隔

孫郤

郤字希韓明州奉化人乾寧中登進士第吳越

時官校書郎文集四十卷小集三卷

唐音戊籤郤幼為字所知好荀韓孟子之書學韓退之為文故因以為字嘗有句云仕宦類商賈終日常東西十國春秋郤自幼負氣岸博學高才唐末為左拾遺朱忠慕唐著春秋無賢人論即脫冠裳服布衣歸隱于奉化山著書紀年悉用甲子以示不臣之義

古意擬陳拾遺二首

屈子生楚國七雄知其材介潔世不容跡合藏蒿萊道  
廢固命也瓢飲亦賢哉何事葬江水空使後人哀

魏禮段干木秦王乃止戈小國有其人大國柰之何賢  
哲信為美兵甲豈云多君子戰必勝斯言聞孟軻

哭方元英先生

牛斗文星落知是先生死湖上聞哭聲門前見彈指官  
無一寸祿名傳千萬里死著弊衣裳生誰顧朱紫我心  
痛其語淚落不能已猶喜韋補闕揚名薦天子

于蓋用韋莊薦賜贈

詳陸龜蒙傳

五代詩

卷之三

吳越

四

邱光庭

光庭吳興人吳越時官至國子博士

補新宮 并序解

新宮成室也宮室畢乃祭而落之又與羣臣賓  
 客燕飲謂之成也 昭二十五年左傳叔孫昭  
 子聘于宋公享之賦新宮又燕禮升歌鹿鳴下  
 管新宮今詩序無此篇蓋孔子返魯之後其詩  
 散逸採之不得故也三百之篇孔子既已刪定  
 子夏從而序之其序不冠諸篇別為編簡縱其  
 辭尋逸則殿義猶存若南陔白華之類故東哲

得以補之惟此新宮則辭義俱失苟非精考難  
 究根源按新者有舊之辭也新作南門新作延  
 既是也宮者居處燕遊宗廟之總稱也士為城  
 絳以深其宮梁伯溝其公宮居處之宮也楚之  
 章華晉之虎祁燕遊之宮也成三年新宮災禰  
 廟之宮也然則正言新宮居處之宮也蓋文王  
 作豐之時新建宮室宮室初成而祭之因之以  
 燕賓客謂之為考考成也若宣王斯干考成室  
 之類是也亦謂之落落者以酒澆落之也若楚  
 子成章華之臺願與諸侯落之類是也因此之

時時人歌詠其美以成篇章故周公採之為燕  
享歌焉必知此新宮為文王詩者以燕禮云下  
管新宮下管者堂下以笙奏詩也鄉飲酒禮云  
工升而歌鹿鳴四牡皇皇者華歌訖笙入立于  
堂下奏南陔白華華黍笙之所奏例皆小雅皆  
是文王之詩新宮既為下管所奏正與南陔事  
同故知為文王詩也知非天子詩者以天子之  
詩非宋公所賦下管所奏故也知非諸侯詩者  
以諸侯之詩不得入雅當在國風故也知非禰  
廟詩者以禰廟之詩不可享賓故也知非燕遊

之宮詩者以燕遊之宮多不如禮其詩必當規  
刺規刺之作是為變雅享賓不用變雅故也由  
此而論則新宮為文王之詩亦已明矣或問曰  
文王既非天子又非諸侯為何事也荅曰周室  
本為諸侯文王身有聖德當殷紂之代三分天  
下之衆二分歸周而文王猶服事紂武王克殷  
之後謚之曰文追尊為王其詩有風焉周召南  
是也有小雅焉鹿鳴南陔之類是也有大雅焉  
大明棫樸之類是也有頌焉清廟我將之類是  
也四始之中皆有詩者以其國為諸侯身行王

道薨後追尊故也新宮既為小雅今依其體以  
補之云爾

魚魚新宮禮樂其融爾德惟賢爾 維忠為忠以公斯  
筵是同人之醉我與我延賓

魚魚新宮既奠而輪其固如山其儼如雲其寢斯安  
分我既考落以燕羣臣

魚魚新宮既祭既延我 鏞于以醉賢有禮無愆我  
有斯宮斯宮以安康後萬年

補茅鷓并序 解

茅鷓刺食祿而無禮也在位之人有重祿而

禮度君子以為茅鷓之不若作詩以刺之 襄  
二十八年左傳齊慶封奔魯叔孫穆子食慶封  
慶封汜祭穆子不說使工為之諷茅鷓杜元凱  
曰茅鷓逸詩刺不敬也凡詩先儒所不見者皆  
謂之逸不分其舊亡與刪去也臣以茅鷓非舊  
亡蓋孔子刪去耳何以明之按襄二十八年孔  
子時年八歲記曰男子十年出就外傳學書記  
十有三年學樂習詩舞論語曰吾有十五而志  
於學則慶封奔魯之日與孔子就學之年其間  
相去不遠其詩未至流散况周禮盡在魯國孔

子賢于叔孫豈叔孫尚得見之而孔子反不得見也由此而論茅鷯之作不合禮又為依孔子刪去亦已明矣或曰安知新宮不為刪去耶答曰新宮為周公所收燕禮所用不與茅鷯同也曰茅鷯為風乎為雅乎非雅也風也何以言之以叔孫大夫所賦多是國風故也今之所補亦體風焉

茅鷯茅鷯無集我岡汝食汝飽莫我為祥願彈去汝來  
彼鳳凰來彼鳳凰其儀有章

茅鷯茅鷯無啄我雀汝食汝飽莫我肯略願彈去汝來

彼瑞鵲來彼瑞鵲其音可樂

茅鷯茅鷯無搏鸚鵡汝食汝飽莫我為休願彈去汝來  
彼鴈鳩來彼鴈鳩食子其周

茅鷯茅鷯無噓我陵汝食汝飽莫我好聲願彈去汝來  
彼蒼鷹來彼蒼鷹祭鳥是徵

林 嵩

嵩字雄飛登大順進士第為吳越從事官侍御  
史

贈天台王處士

深隱天台不記秋琴臺長別一何愁茶烟巖外雲初起

新月潭心釣未收  
映宇異花叢發好  
穿松孤鶴一聲幽  
赤城不掩高宗夢  
寧久懸冠枕瀑流

任翻

翻唐末吳越時人

唐宋藝文志翻嘗客居天台有宿巾子山詩為人所稱後村詩話翻詩存者五言十首然多佳句可愛賢於今之動為千百首無一可傳者矣然編搜得此第未知與後村所見同否

洛陽道

憧憧洛陽道塵下生  
春草行者豈無家  
無人在家老雞鳴  
前結束爭去恐不早  
百年路傍盡白日  
車中曉求富江海狹  
取貴山岳小二端  
立在途奔走無由了

春晴

楚國多春雨柴門喜  
晚晴幽人臨水坐  
好鳥隔花鳴野色  
臨空濶江流接海  
平門前到溪路  
今夜月分明

秋晚郊居

遠聲霜後樹秋色  
水邊村野逕無來  
客寒風自動門  
海山藏日影江月  
落潮痕惆悵高  
飛晚年年別故園

秋晚途次

秋色滿行路此時  
心不閑孤貧遊上  
國少壯有衰顏  
衆鳥已歸樹旅人  
猶過山蕭條遠  
林外風急水潺潺

葛仙井

古井碧沈沈分明  
見百尋味甘傳  
邑外脉冷應山  
心圓

全五代詩

卷之三

吳越

九

入月輪淨直涵峰影深自從仙去後汲引到如今

桐柏觀

飄飄雲外者躡宿聚仙堂半夜人無語中宵月送涼鶴  
歸高樹靜螢過小池光不得多時住門開是事忙

冬暮野寺

江東寒近臘野寺水天昏無酒可銷夜隨僧早閉門照  
牆燈影短著瓦雪聲繁飄泊仍千里清吟欲斷魂

贈濟禪師

碧峯秋寺內禪客已無情半頂髮根白一生心地清竹  
房侵月靜石徑到門平山下塵囂路終年誓不行

經隋淚碑

羊公傳化地千古事空存碑已無文字人猶敬子孫峴  
山長閉恨漢水自流恩數處烟嵐色分明是淚痕

長安冬夜書事

憂來長不寐往事重思量清渭幾年客故衣今夜霜春  
風誰識面水國但牽腸十二門車馬昏明各自忙

越江漁父

借問釣魚者持竿多少年眼明汀島畔頭白子孫前權  
入花時浪燈留雨夜船越江深見底誰識此心堅

哭友人

全五代詩

卷七十三

吳越

十



逢著南州史江邊哭問君送終時有雪歸墓處無雲官  
庫惟留劍隣僧共結墳免孫未成立誰與集遺文

送李衡

羈棲親故少遠別惜清才天畔出相送路長知未迴欲  
銷今日恨強把異鄉杯君去南堂後應無客到來

宮怨

淚乾紅落臉心盡白垂頭自此方知怨從來豈信愁

惜花

無語與花別細看枝上紅明年又相見還恐是愁中

宿巾子山禪寺

方輿勝覽山在明州城中橫峙江之下流兩峯如恰  
情其頂雙塔並有明慶塔院勝舉名天下

絕頂新秋生夜涼鶴翻松露滴衣裳前峰月映半江水  
僧在翠微開竹房

再遊巾子山寺

靈江江上幘峰寺三十年来兩度登野鶴尚巢松樹徧  
竹房不見舊時僧

三遊巾子山寺感述

清秋絕頂竹房開松鶴何年去不迴惟有前峰明月在  
夜深猶過半江來

鄭巢

巢吳越時人

秋思

寒恐鳴不定郭外水雲幽南浦鴈來日北窓人卧秋病  
身多在遠生計少於愁薄暮西風急清磬響未休

楚城秋夕

故苑多愁夕西風木葉黃寒江浸霧月曉角滿城霜弟  
姪來書少関河去路長幾時停桂檝故國隔瀟湘

泊靈溪館

天台賦過靈溪而濯李善曰溪名也

孤吟疎雨絕荒館亂峯前曉鷺樓危石秋萍滿敗船溜  
從華頂落樹與赤城連已有求閒意來期在暮年

秋日陪姚郎中登郡中南亭

雲水生寒色高亭發遠心鴈來疎角韻槐落減秋陰隔  
石嘗茶坐當山抱瑟吟誰知瀟洒意不似有朝簪

宿天竺寺

暮過潭上寺獨宿白雲間鐘磬遙連樹星河半隔山石  
中泉暗落松外戶初関却憶終南裡前秋此夕還

陳氏園林

當門三四峯高興幾人同尋鶴新泉外留僧古木中蟬  
鳴槐葉雨魚散芰荷風多喜陪幽賞清吟繞石藂

題崔中丞北齋

湖近草侵庭秋來道興生寒潮添井味遠漏帶松聲放

卷聽泉坐尋僧踏雪行何年各無事高論宿青城

題崔行先石室別墅

山空水繞籬幾日此栖遲採菊頻秋醉留僧擬夜棋桂  
陰生野菌石縫結寒澌更喜連幽洞唯君與我知

題靈隱寺院公院

山寒葉滿衣孤鶴偶清羸已在雲房老休為內殿期嵐  
昏聲磬早菓熟喚猿遲未得終高論明朝更別離

瀑布寺貞上人院

林疎多暮蟬師去宿山烟古壁燈薰畫秋琴雨慢絃竹  
間窺遠鶴巖上取寒泉西嶽沙房在歸期更幾年

和姚郎中題凝公院

石房寒竹連白晝坐冥然片衲何山至空堂幾夜禪葉  
侵經上字冰結硯中泉雪夕誰同話懸燈古像前

贈邱先生

光庭

雲泉心不爽垂日坐柴閤硯取簷前雨圖開異國山原  
僧招過宿沙鳥伴長閒地與中峯近殘陽獨不還

贈蠻僧

南海何年過中林一磬微病逢秋雨發心遂暮潮歸久  
臥前山寺猶逢故國衣近來慵步履石蘚滿柴扉

寄貞法師

巡禮知難盡幽人見亦稀幾年潭上過何待雪中歸  
遠瀑穿經室寒將發定衣無因尋道者獨坐對松扉

送靈溪李侍郎

貂裘離闕下初佐漢元勳河偃流漸疊沙晴遠樹分牛  
羊下暮靄鼓角調寒雲中夕蕭關宿邊聲不可聞

送姚郎中罷郡遊越

逍遙方罷郡高興接東甌幾處行杉逕何時宿石樓潮  
聲穿古竇華影在空舟惆悵雪門路無因得從遊

送魏校書赴夏口從事

西風吹遠蟬驛路在雲邊獨夢諸山外高談大旆前夜

塞秋角滿湘船郡邑多巖竇何方便學仙

送衡州薛從事

吟去望雙旌滄洲晚氣清遙分高岳色亂出遠蟬聲楚  
霽雲連寺湘寒浪浸城孤猿不可聽一聽白髭生

送邊使

閩河度幾重邊色上離容灞水方為別沙場又入冬曙  
鷗迴大旆夕雪沒前峯漢使多長策須令遠國從

送人赴舉

扁章動玉京墜葉滿前程舊國與僧別秋江罷釣行馬  
過隋代寺檣出楚山城應近嵩陽宿潛聞瀑布聲

送袁肇歸山陰

論文意有違寒雨洒行衣南渡久誰語後岑今獨歸河  
帆因樹落沙鳥背潮飛若值雲門侶多應宿翠微

送李式

瀟湘路杳然清興起秋前去寺多隨磬看山半在船綠  
雲天外鶴紅樹雨中蟬莫使遊華頂逍遙更過年

送韋弁

掛席曙鍾初家山半在吳艣聲過遠寺江色洞秋蕪陂  
鶴巢城木邊鴻宿岸蘆知君當永夜獨釣五湖隅

送人南遊

南京路悄然歌石激流泉遠寺寒雲外揚帆暑雨前鴈  
行回曉岫蜃色上湖田更想清吟處多向隱者眠

送省空上人歸南嶽

又歸衡嶽寺舊院樹冥冥坐石縫寒衲尋龕補壞經嶠  
雲籠曙磬潭草落秋萍誰伴高窗宿禪衣挂桂馨

送象上人還山中

竹錫與袈裟靈山笑暗霞泉痕生淨蘚燒力落寒花高  
戶間聽雪空窗靜擣茶終期宿華頂須會說三巴

送僧歸富春

憶聞僧禪處遥山抱竹門古房閑蘚色秋逕掃潮痕石

淨聞泉落沙寒見鶴翻終當從此望更與道人言

送琇上人

古殿焚香外清羸坐石稜茶烟開瓦雪鶴跡上潭冰孤  
磬侵雲動靈山隔水登白雲歸意遠舊寺在廬陵

哭虛海上人

一化西風外禪流稍稍分買碑行暮雨斲石葬寒雲靜  
戶闌松色荒齋聚鳥群朗吟聲不倦高傳有遺文

周鏞

鏞諸暨縣人

諸暨五洩山

路入蒼烟九過溪九穿巖曲到招提天分五溜寒傾北  
地秀諸峰翠插西鑿徑破崖來木杪駕泉鳴竹落椽題  
當年老默無消息猶有詞堂一杖藜

屠環智

環智字寶光海鹽人少負勇畧吳越王兵拒黃  
巢環智仗劍從之時與謀議授指揮使天復二  
年徐縮許再忠叛刺史高彥遣子渭同赴難抵  
靈隱為伏兵所害樞李詩繫環智  
有咏志詩云云

詠志

輕身都是義殉主始為忠一夜西陵路朱旗走大風

韋謙

謙吳越時人

詩云

構李詩繫常樂菴在崇德縣西八十步梁天監二年建俗呼西寺後入宋改悟室院吳越時謙

題常樂菴五雲堂

吾匠慕先哲至理皆融通一法果有至五雲疑在空講  
香浸棊几夜月鎖簾櫳弋者何由預冥冥出塞鴻

李翰

翰吳越時人

構李詩繫朱自勉廣德中為嘉禾屯田都知悉修水利畎畝之政民始殷富五代時李翰詩云云

朱都知嘉禾屯田紀績詩

茫茫九區陽九躔災邱荒札瘥田卒污萊天步未移連

師滿野不耕不獲仰食於下嗷嗷遺人糊口饋軍帝曰  
予憂爰立其屯且戰且耕古之善經辟師肅祇王命是  
將嘉禾之田際海茫茫取彼蓁荒畫為封疆朱公蒞之  
展器授方田事既飭黎人則康我屯之稼如雲漠漠天  
位碁布溝封綺錯朱公履之勸耨趨獲稂莠不生螟螣  
不作歲登億計征寬稅薄息我征人遂其耕鑿我屯之  
庾如京如坻嘉量是登方舟是維贊皇獻之達於京師  
飽我六軍肅將天威畎距於溝溝達於川故道既堙變  
溝為田朱公濬之執用以先浩浩其流乃與湖連上則  
有塗中則有船旱則溉之水則泄焉曰雨曰霽以溝為

全五代詩

吳越 十七

天俾我公私永無飢年公田翼翼私田疑疑不侵其畔  
不犯其穡我倉既盈爾廩維億屯人熙熙邑人怡怡不  
擾其務不干其時我無爾暴爾無我欺我有官屬朱公  
訓之我有徒侶朱公恤之我有衆役朱公率之我有微  
功朱公序之起於田中印綬纍纍何以况之福祿如茨  
何以久之刻篆於碑

全五代詩卷七十四

羅江李調元雨村 編

吳越

葉簡

簡吳越時剡縣人善占侯尤精風角武肅王辟

居幕中

全唐詩話簡善卜策射覆無不奇中有失牛者簡占云占失牛已被家邊載上州欲知賊姓一斤求欲知賊名十斤頭果隣人邱甲盜之又射覆巾子云近來好果東各自競尖新秤無三五兩因何號一斤又橘子鷄子云云

射覆橘子

圓似珠色如丹儻能擘破同分喫爭不慙媿洞庭山

射覆二雞子

全五代詩

卷七十四

吳越



此物不難知一雄魚一雌誰將打破看方明混沌時

殷天祥

天祥又名道全嘗自稱七七不知何所人全唐詩話天祥

遊行天下不測其年壽面光白若四十許人每日醉歌道上周寶鎮浙西師敬之嘗試其術於九月令開鶴林寺柱鵲花有驗

醉歌

琴彈碧玉調藥鍊白砂解醞頃刻酒能裁頃刻花

陽春曲

七七有異竹過潤州與客飲云某有一藝侑歡顧屏上畫蜀人曰可歌陽春曲婦人應聲而歌其音清亮似從屏中出

愁見唱陽春令人離腸結郎去未歸家柳自飄香雪

舒道紀

道紀婺州人吳越時為赤松山黃冠師自號華

陰子與貫休友善

詩話貫休與舒道士東陽未亂前相別聞下世有句云荆襄春浩浩吳越浪漫漫已矣紅霞子空留白石壇

蘭谿靈瑞觀

澄心坐清境虛白生林端夜靜笑聲出月明松影寒絳

霞封藥竈碧霄澹齋壇海樹幾回老先生棋未殘

題赤松宮

今蘭溪縣之赤松山王初平亦稱赤松子

松老赤松原松間廟宛然人皆有兄弟誰得共神仙雙

鶴冲天去羣羊化石眠至今丹井水香滿北山邊

吳仁璧

仁璧字廷寶蘇州人唐大順中登進士第入浙

武肅王待以客禮欲辟幕職固辭後為所害仁璧本蘭

三五代寺

卷之十四

吳越

二

右人游羅浮洞學老莊于張先生得其大旨辭歸謀入京應取先生曰  
 觀子氣法可住此吾授子長生之道仁璧辭以老母缺甘旨俟名遂身  
 退學亦未晚先生曰此去必遂其志亦須早來是年中第入浙謁錢武  
 肅殊禮之累辟入幕堅辭不就以詩謝云云武肅復遣人請撰羅城記  
 仁璧堅不從武肅怒沉于江吳人惜之仁璧有一女有間居詩云為惜  
 苔錢妨換吻因憐山色旋開尊又贈道士云五龍金角向星斗三洞玉  
 音愁鬼神又題粟粟云蒲草薄裁連蒂白胭脂濃染半葩紅建隆初  
 廣南劉隱遣中人翁光普同禮承霄豆就羅浮山設醮醮畢昱游諸  
 岩洞至山頂見一石門有老叟衣薜蘿據西而坐昱問其由云是羅  
 浮先生宅再問誰氏叟低聲對云吳先生也名仁璧言訖戶闔了無所  
 見其後或有人于羅浮勾曲諸山見仁璧復引一十歲許女子是其  
 女也 十國春秋仁璧少習星緯黃白佳言學于廬山道士謂仁璧曰  
 一第猶拾芥耳但他年勿干英雄至是遂驗破繫女泣曰文星失位大  
 人其不免乎王俯沉之東小江 雅言襟載仁璧閑居云為惜苔錢妨  
 換砌因憐山色旋開尊遊法華寺云高閣煙霞神客睡滿城塵土世人  
 忙贈道士云五龍金角向星斗三洞玉音愁鬼神題鶯粟花云蒲草薄  
 裁連蒂白胭脂濃染半葩紅俱為人傳誦 全唐詩仁璧有讀度人經  
 寄鄭仁表云貞雖一三座中老名擬三清會裏題二午九齋餘日在請君相  
 伴醉如泥又賈誼云扶持一疏滿遺編漢壁前頭正少年誰道恃才輕絳灌  
 却將惆悵弔湘川又哀柳云金風漸利露珠團廣陌長堤黛色殘水殿狂遊

隋場帝一千餘里可堪看又鳳仙云香紅嫩綠正開時冷  
 蝶飢蜂雨不知此際最宜何處看朝陽初上碧梧枝

投謝錢武肅

東門上相好知音數盡臺前郭隗金累重雖然容食堪  
 力微無計報焚林弊貂不稱芙蓉幕衰朽仍慚玳瑁簪  
 十里溪光一山月可堪從此負歸心

錢塘鶴

人間路靄青天半鰲岫雲生碧海涯雖抱雕籠密局鑰  
 可能長在叔倫家

南徐題友人郊居

門前樵徑連江寺岸下漁磯繫海槎待到秋深好時節

與君長醉隱侯家

秋日聽僧彈琴

金徽玉軫韻冷然言下浮生指下泉  
恰稱秋風西北起一時吹入碧湘煙

春雪

雪霽凝光入坐寒天明猶自臥袁安  
貂裘穿後鶴氅敝自此風流不足看

金錢花

淺絳濃香幾朵勻日鎔金鑄萬家  
新堪疑劉寵遺芳在不許山陰父老貧

客路

人寰急景如波委客路浮雲似蓋輕  
回首故山天外碧十年無計却歸耕

文喜

文喜嘉興義和鎮人本姓朱氏七歲為僧戒律  
精嚴往叅洪州仰山禪師言下頓了久之禮五  
臺築室千頃山會黃巢之亂避地湖州住仁王  
院唐光啟三年武肅王請住龍泉寺已又住聖  
果表薦賜紫加號曰無著光化二年忽告眾曰  
三界心盡即是涅槃言訖跏趺而逝葬於靈隱

之西塢

橋李詩繫文喜嘗往五臺至金剛窟遇一老翁牽牛而行邀入寺堂皆耀金色翁踞床指繡墩命坐翁曰近自何來曰南方翁曰南方佛法如何住持曰未法比邱少奉戒律翁曰多少衆曰或三百或五百文喜問此間佛法如何住持曰龍蛇混雜凡聖同居曰多少衆翁曰前三三後三三翁呼童子致茶並進酥酪喜納其味心意豁然辭退翁令童子相送喜問此何處曰此般若寺乃悟翁即文殊也稽首童子乞一言為別童說偈曰面上無嗔供養具口裏無嗔吐妙香心裏無嗔是珍寶無垢無染是真常言訖與寺俱隱但見五色雲中文殊乘金毛獅子往來時有滄州僧修政等至尚聞山石震吼之聲咸通三年至洪州泰仰山一旦煮粥見文殊現獲上喜以攬粥篋掌之曰文殊自文殊文喜自文喜文殊湧空曰苦節連根苦甜瓜徹蒂甜修行三大劫却被老僧嫌寂化之日白光照室竹樹同色 十國春秋文喜寂化葬於靈隱西塢徐綰之叛田頌縱兵大掠因發文喜塔肉身如故髮爪盤繞異之不敢犯而去武肅王命裨將卽志重封壘焉同時有虛受鴻楚從禮惠明諸僧皆為王所禮又有僧昭通術數王禮待亞於喜號國師一日昭謁王有小兒墜錢未收王曰速收恐人踏破昭笑曰汝錢欲踏破須是牛方可後忠懿王入宋國除忠懿生年為丑是牛踏錢破之應云

五臺山直行遇童子 問答忽然不見作

豁州沙界勝伽藍滿目文 承接話談言下未知開佛眼  
回頭只見翠山巖

無作

無作字不用姓司 馬氏蘇州人吳越四明山僧  
善草隸詩歌不謁王侯自號逍遙子

謝武肅王

雲鶴性孤單爭堪名利關 銜恩雖入國辭命却歸山

延壽

延壽字冲立號抱一子杭州人棄吏出家吳越

餘五代詩

卷七十四

吳越

五

忠懿王延住靈隱寺後遷永明道場開寶八年

入滅賜號智覺大師諡宗照大師著宗鏡錄十國春秋

延壽聲被異國高麗王亦  
賜數珠金澡瓶等遺僧三  
善問道執弟子禮奉金絲織成伽梨水  
大人親承印證相繼歸國各化一方

閑居

閑居誰似我退跡理難要勢危身早浮榮敗德多雨

催蟲出穴寒逼鳥移窠徑無人前剪疎窗入薜蘿

贊寧

贊寧德清高氏子出家杭州龍興寺吳越武肅

王署為兩浙僧統賜號明義入宋台對滋福殿

詔脩高僧傳咸平初加右街僧錄至道二年示

寂謚曰圓明大師著有內曲集外學集王禹偁通  
慧大師文

集序云文穆王時大師聲望日隆文學益茂時錢氏公族有若忠懿王  
徽宣德節度使偕奉國節度使使億越州刺史儀金州觀察使儼故工部  
侍郎昱與大師以文義切近時折中士大夫有若衛尉卿崔仁冀工部  
侍郎慎知禮內侍致仕楊與大師以詩什倡和又得文格于光丈大  
師彙征受詩訣于前進士龔霖由是大為流輩所推時錢塘名僧有  
若契凝者通名數一支謂之論虎常從義者文章俊健謂之文虎大師  
多見尼著述謂之律虎故時稱四虎焉十國春秋贊寧傳物多識辨  
語縱橫徐鉉仕江南日嘗被入直澄心堂至飛虹橋馬輒不進裂鞞  
斷轡等語却立鉉遣信致贊寧贊寧曰下有海馬骨水火俱不能毀惟  
漚以腐糟隨毀者是也鉉制土果得巨獸骨若段柱然積薪焚三日不  
動以腐糟漚之遂爛焉徐知謬得繪牛一軸畫則鬻草欄外夜則歸宿  
欄中持以獻江南後主後主馳驛貢宋太宗羣臣無能辨其理者贊寧  
曰南倭海水或減則灘碕微露倭人拾方諸蚌腊中有餘淚和色著物  
則晝隱而夜顯沃焦山或心燒飄擊有石落海岸得之滴水磨色染物  
則晝明而夜晦此二形殆一物所繪也羣臣以為無稽贊寧曰事載張  
騫海水異物記公等持未見耳後杜鎬檢三館書目果於六朝舊本得  
之贊寧又著通論有駁諸仲舒難王充斥顏師古證蔡邕  
非史通等說及荀譜物類相感志諸書王禹偁深嘆服之

居天柱山

四野豁家庭柴門夜不扃水邊成半偈月下了殘經雖  
逐諸塵轉終歸一念醒未  
知斯旨者萬役盡勞形

寄題水月禪院

參差峯岫書雲昏入望攀  
羅濁浪奔震澤浦山來北岸  
華陽連洞到東門日生樹  
挂紅霞脚風起波搖白石根  
聞有上方僧住處橘花林  
卜採蘭蓀

處默

處默吳越僧初與  
頁休同薙染後入廬山

吳越紀事越僧

處默賦詩有奇句嘗云到江  
失之久矣乃為吾師丐得識

大地盡隔岸越山多羅隱見之曰此吾句  
者鄙其儂薄太甚 王正字詩格處默有

咏劍句云太平時節無  
人看雪刃閑封滿匣塵

聖果寺

路自中峰上盤回出薜蘿到江吳地盡隔岸越山多古  
木叢青靄遙天浸白波下方城郭近鐘磬雜笙歌

送僧遊西域

一盂兼一錫祗此度流沙野性雖為客禪心即是家寺  
披雲嶠雪路入曉天霞自說游諸國回應歲月賒

遠煙

靄靄前山上凝光滿薜蘿高風吹不盡遠樹得偏多翠  
與晴雲合輕將淑氣和正堪流野目朱閣意如何

螢

熠熠與娟娟池塘竹樹邊  
亂飛如拽火成聚却無煙  
微雨灑不滅輕風吹欲燃  
昔時書案上頻把作囊懸

憶廬山舊居

麤衣糲食老煙霞  
勉把衰顏惜歲華  
獨鶴祇為山客伴  
閑雲常在野僧家  
叢生嫩蕨粘松粉  
自落乾薪帶蘚花  
明月清風舊相得  
十年歸恨可能賒

題棲霞寺僧房

名山不取買山錢  
任構花宮近碧巔  
松檜老依雲裏寺  
樓臺深鎖洞中天  
風經絕嶂回疎雨  
石倚危屏挂落泉

欲結茅菴共師住肯饒多少薜蘿煙

山中作

席簾高捲枕高欹  
門掩垂蘿蘸碧溪  
閑把史書眠一覺  
起來山日過松西

織婦

蓬鬢蓬門積恨多  
夜闌燈下不停梭  
成纈猶自陪錢納  
未直青樓一曲歌

仲休

仲休一作仲林  
越僧入宋賜號海慧大師有天  
衣十峯詠錢易為序

雲門寺

鶴唳峯前路行行世慮消  
蘿交藏石竇雲破露山椒  
樹老形多怪人閑色似驕  
誰同訪諸謝烟草滿溪橋

吳越僧

武肅王有旨石橋設齋會進詩六首

南有天台事可尊  
孕靈含秀獨超羣  
重重曲澗侵危石  
步步層巖踏碎雲  
金雀每從雲裏現  
異香多向夜深聞  
當知此界非凡界  
一道幽竒各自分

仙源佛窟有天台  
今古嘉名遍九垓  
石磴嵌空神匠出  
瀑泉雄壯雨聲來  
景強偏感高僧上  
地勝能令遠思開

一等翹誠依此處  
自然靈貺作梯媒

智泉福海莫能逾  
親自王恩運睿謨  
感現盡冥心境界  
資持全固道根株  
石梁低翫紅鸚鵡  
煙嶺高翔碧鷓鴣  
勝妙重重惟禱祝  
永資軍庶息災虞

凌晨迎請倍精誠  
親散鮮花異處清  
羅漢攀枝呈梵相  
巖僧倚樹現真形  
神幡雙出紅霞動  
寶塔全開白氣生  
都為王心標意切  
滿空盈月瑞分明

幡花寶蓋滿青川  
祈禱迎來聖半千  
莫道勝緣無影響  
須知嘉會有因緣  
空中長似聞天樂  
巖畔常疑有地仙  
何必更尋兜率去  
重重靈應事昭然



登雲步嶺涉煙程好景隨心次第生聖者已符祥瑞事  
地靈全副禱祈情洞深重疊拖雲濕灘淺潺湲激水清  
願滿事圓歸去路便風相送片帆輕

杭州還鄉和尚

唱

府有和尚在街市唱此人因名為還鄉和尚  
問之每云明年大家都去錢氏果納地去歸汴云

還鄉寂寂杳無蹤不挂征帆水陸通  
蹋得故鄉回地穩更無南北與西東

吳越失姓名人

大慶堂賜宴元璫有詩呈吳越王

櫻桃花下會親賢風遠銅壺轉露盤蝶下粉墻梅乍折

蟻浮金斝酒難乾雲和緩奏泉聲咽珠箔低垂水影寒  
狂簡斐然吟咏足却邀羣彥重吟看

再和

我有嘉賓宴作歡畫簾紋細鳳雙盤影籠沼止脩篁密  
聲透笙歌羯鼓乾散後便衣書篋寐渴來潛想玉壺寒  
櫻桃零落紅桃媚更俟旬餘共醉看

重和

冷宴殷勤展小園舞鞦柔軟綵虬盤  
蓂花盡日疑頭重病酒經宵覺口乾  
嘉樹倚樓天瑣暗晚雲藏雨碧山寒  
文章天子文章列八米盧郎未可看

御製春遊

天意分明道已光春遊嘉景勝仙鄉  
玉爐煙直風初靜銀漢雲銷日正長  
柳帶似眉全展綠杏苞如臉半開香  
黃鶯歷歷啼紅樹紫燕關關語畫梁  
低檻晚晴籠翡翠小池波暖浴鴛鴦  
馬嘶廣陌貪新草人醉花堤怕夕陽  
此屋管絃呈妙曲連營羅綺闌時妝  
全吳霸越千年後獨此昇平顯萬方

方卜士

卜士吳越時人苦卜人號為方龜精

全唐詩話元懿武肅王第五子

貞明中自新定判東陽累奏授賓睦二州刺史封中書令金華郡王卒年六十六初元懿為新定方常數卜貽王云

貽元懿

太乙接天河金華寶貝多郡侯六十六別處不經過

婺州山人

歌 葆光錄婺州有僧入山見一人古貌中褐騎牛手執鞭光線日色如角而歌云僧揖之不應馳去

靜居青嶂裏高嘯紫烟中塵世連仙界瓊田前路通

越中狂生

題旗亭

初董昌未敗前有狂生於越中旗亭題詩四句人不曉其詞及昌敗方悟草重董字日日昌字素城者越城隋越公楊素所築也諸

侯者猴乃錢鏐申生屬也白兔昌卯生屬也夏滿六月也鏡湖者越中也

日日草重生悠悠傍素城諸侯逐兔白夏滿鏡湖平

蔣氏

全五代詩

卷五

吳越

十

蔣氏吳越時湖州司法參軍陸濛妻性耽酒善

屬文

答諸姊妹戒飲

蔣以嗜酒成疾姊妹勸其節飲加餐應聲吟答

平生偏好酒勞爾勸吾餐但得杯中滿時光度不難

王霞卿

霞卿藍田人會稽宰韓嵩之妾

五代詩話嵩死霞卿流落會稽嘗題詩唐安寺

進士鄭殷彝和詩求謁霞卿答詩拒之鄭殷彝和詩云題詩仙子此曾遊應是尋春別鳳樓賴得從來未相識免教錦帳對銀鉤 調元按詩序光啟三年即梁開平元年也是

歲唐已亡錢鏐方建國故抄入吳越

大題唐安寺閣壁并序

瑯琊王氏霞卿光啟三年陽春二月登於是閣

臨軒軫恨覩物增悲雖看煥爛之花但比淒涼

之色時有輕綃捧硯小玉看題

春來引步暫尋遊愁見風光倚寺樓正好開懷對煙月

雙眉不覺自如鉤

荅鄭殷彝

君是煙霄折桂身聖朝方切用儒珍正堪西上文場戰

空向途中泥婦人

越溪楊女

楊女越溪人為詩不過兩句有謝生求婚其父出女句令續之女曰君且續之謝應聲就女即以首枕其膝而逝

女曰君且續之謝應聲就女即以首枕其膝而逝

聯句

五代詩

卷三十四

吳越

十三

珠簾半捲月青竹滿林風楊女何事今宵景無人解語同謝生

春日

春盡花隨盡其如自是花楊女從來說花意不過此容華謝生

明月易虧輪好花難戀春楊女常將花月恨并作可憐人謝生

山陰老人

偽謠董昌時有山陰縣老人偽上言曰願大皇帝於越三十年前已聞謠言故來獻昌得之大喜

欲識聖人姓千里草青青欲識聖人名日從日上生

湖州人

里諺唐末五代天下皆被兵獨湖州獲免其時語云

放爾生放爾命放爾湖州做百姓

吳興神女

贈謝府君

玉釵空中墜金釧色已歇獨泣謝春風秋夜傷明月

富春沙際鬼

吟吳越時有人夜泊於富春間月色澹然見一人於沙際吟此

陔江三十年潮打形骸朽家人都不知何處奠杯酒

又吟舟人問曰君是誰可示姓名否又吟此詩

莫問我姓名向君言亦空潮生沙骨冷魂魄悲秋風

牡丹妖

詩洞微志錢仁侃尚父之孫也為元帥府中書檢校司徒與中軍都虞候金沼隣居沼所居堂東植牡丹花一本著花三百朵其色如血如金之含

全五代詩

卷七十四

吳越

三

稜每樓子頂上有碎金絲如自然蛟蝶之狀一城以為異每歲花開張宴  
仁侃預為開寶七年春三月花繞一雨朵開仁侃一夕洪飲繁劍裡服中單  
背負大籃左手攜鉏腰插六七首踰牆而過沼中外無知者鋤取牡丹置籃  
中仍于其地空中聞有呼嘆之聲微細若游蜂音辭云云仁侃異之移植于  
亭後明日沼覺失花謂非人力所及來年花盛開乃宴召沼沼一無見語  
得疾以歸至夜憤悶不已以刀決腸而卒腸皆寸寸斷果符空中之語

一花三百朵含笑向春風明年三月裡朵朵斷腸紅

郭璞識吳越備史咸通中京師有望氣者言錢塘有王氣乃遣侍御史  
許渾齋壁來陸秦望山之腹以厭之又郭璞撫臨安地志識云云

至是果驗 又全唐詩唐舊識云鬼子上金林董昌每引之以為我卯生來  
年歲在卯二月二日亦卯萬世之業在於此因於乾寧二年二月二日僭象冕  
即偽位改號羅平國以迄誅滅又丹陽民語云待錢來待錢來  
後錢鏐授鎮帥潤州刺史遂據有錢塘乃其應也附錄於此

天目山前雨乳長龍飛鳳舞到錢塘海門山起橫為案  
五百年生異姓王

錢氏琴西溪叢話李巽伯云先得一思威琴錢氏  
物也中題云云故號忘味為田代第一

嶧陽孫枝匠成雅器一聽秋堂三月忘味

謹

紫霄惠江互謔左街僧錄惠江感儀程  
紫霄俱辨捷每相嘲誚

僧錄琵琶腿程江素  
充肥故云先生感栗頭江

無名氏

書陳環墓

山作田兮田作海萬古存兮誰不改青松新寵曉無年

千載維留名記在構李詩擊陳環穎川人以會昌二年八月十八日安厝  
空於蘇州海鹽縣東二十八里齊景鄉五代時有人題

詩云

下...  
 山...  
 書...  
 無...  
 曾...  
 於...  
 案...

全五代詩卷七十五

羅江李調元雨村 編

閩

四主王繼鵬

四主姓王氏諱繼鵬更名昶前主審知之孫弒  
 其父延鈞而自立為連重遇所弒

金鳳外傳康宗后  
李氏本惠宗官人

名春鶯一云李倣之妹有色惠宗為春鶯遣東華宮以珊瑚為枕榆琉  
 瑞為標瓦檀楠為梁棟真珠為簾幙籠金為柱礎康宗蒸馬惠宗已病  
 康宗因陳氏以求春鶯惠宗快與之康宗嗣位立為賢妃行則同輿  
 坐則同席及通文改元復立為皇后遊幸之所土木之盛逾于東華連  
 重遇之亂康宗后出北闕至梧桐嶺為皇從子繼業所殺時通文四  
 年七月十三日也 清異錄通文四年三月宴後苑飛紅滿空帝曰彌陀  
 經云雨天曼陀羅華此景近似今日觀化工之雨天三昧宜名六宮開三  
 昧宴 十國春秋梁國夫人李敏女春鶯被寵不見若內宣徽院使葉

趙諫曰夫人先帝之甥也陛下聘以禮奈何因新愛而棄之如遺乎康宗不從未幾翹復上書言事康宗遂署其楮尾云云

批葉翹諫書紙尾

春色曾看紫陌頭  
紅飛盡不禁愁  
人情自厭芳華歇  
一葉隨風落御溝

開國伯王延彬

延彬閩王審知弟武肅王審邽之子官平虜節

度使知泉州軍事加太尉封開國伯

五代史延彬再任泉州前後歷

二十六年吏民安之每發發船無失墜者時人謂之招寶侍郎卒葬雲臺山閩人亦謂之雲臺侍中 五國故事延彬日亭午方起雅能詩辭人禱客謂見多為所屈宅中聲妓多比人將求妓必圖已形而書其歌詩於圖側以是冀其見慕也十國春秋延彬刺泉州時徐寅每同遊嘗及陳郊倪曙等賦詩酌酒為樂凡十餘年常被病求藥物於延彬延彬若書善自調護亦可自開豁三皇五帝不死何歸蓋舉寅人生幾

何賦以戲之也宙賦云七十戰爭如馬豹竟到烏江三千賓客若鴛鴻難尋珠履又云南陵公子綠鬢改而華髮生比里豪家昨日歌而今日哭又云常聞蕭史王喬長生孰見任是三皇五帝不死何歸故徐寅卒延彬哭之詩云延壽溪頭歎逝波古今人事半銷磨昔除正字今何在可謂人生能幾何延壽溪寅所居也 全唐詩話五代時中原人士楊承休鄭璘韓偓歸傳懿楊贊圖鄭戩等皆避亂入閩依審邽審邽弟延彬以射遣延彬作招賢館禮焉後封開國伯

春日寓感

兩衙前後訟堂清  
軟錦披袍擁鼻行  
雨後綠苔侵履迹  
春深紅杏鎖鶯聲  
因攜久醞松醪酒  
自煮新抽竹筍羹  
也解為詩也為政  
儂家何以謝宣城

王繼勳

繼勳武肅王審邽之孫延美之子連重遇亂泉

州軍將留從效擁立為刺史後執送南唐  
贈和龍妙空禪師

白面山南靈慶院茅齋道者雪峰禪只棲雲樹兩三畝  
不下烟蘿四五年猿鳥認聲呼喚易龍神降伏住持堅  
誰知今日秋江畔獨步醫王闡法筵

韓 偓

偓字致光京兆萬年人唐龍紀元年擢進士第  
累遷諫議大夫翰林學士中書舍人劉季述之  
變佐崔允反正為功臣隨幸岐下遷兵部侍郎  
進承旨還京昭宗欲相之辭朱全忠貶為濮州

司馬再貶榮懿尉徙鄧州司馬昭帝遇弒哀帝  
復召為學士不赴挈族南依王審知僑居南安  
龍興寺自號玉山樵人所著有內廷集金鑿別

紀全唐詩話偓十歲能詩嘗即席為詩送父友李商隱一坐盡驚商隱  
贈韓冬郎詩有十歲裁詩走馬成及雛鳳清於老鳳聲之句冬郎  
偓小字父瞻開成中商隱同年也 撫言偓天復初入翰林其年冬車  
駕出幸鳳府偓有扈從之功反正初上面許偓為相奏云陛下運契中  
與當復用重德鎮風俗臣臣主右僕射趙崇可以副陛下是 乞迴臣  
之命授崇天下幸甚上嘉嘆翌日制用崇暨兵部侍郎王贊為相時深  
太祖在京素聞崇之輕佻贊復有嫌隙馳入請見於上前具言二公長  
短上曰趙崇是偓時偓在側深主此之偓奏曰臣不敢與大臣爭上  
曰韓偓出尋謫官入闕故偓詩有謀身拙為安蛇足報國危曾持虎鬚  
之句 李忠定公梁溪集偓嘗到沙陽寓居天王院與老僧語明善以  
詩贈之至後唐時邑令章僚為之記叙偓始末甚詳且述唐末亂離之  
事頗與唐史合予至沙陽聞之竊願一觀而其碑因寺中廢為有力者  
取去秘不示人父之始得見其副本感而賦之且錄偓詩卷中傳諸好  
事者云又偶訪明公大德贈長句四韻前翰林學士承旨戶部侍郎知



制詰韓偓上寸髮如霜祖石肩倚竹貌怡然懸燈深屋夜分坐移榻向陽齋後眠刮膜且揚三毒論攝心徐指二宗禪清涼藥分誰知味各自曾中有醴泉又詞臣謫去墮天南詩墨從來榜寺簷好事不須收拾去世間遺集有香奩韻語陽秋偓香奩集百篇皆艷詞也沈存中筆談云乃和疑所作疑後貴悔其少作故嫁名於韓偓耳今香奩集有無題詩序云余辛酉年戲作無題詩十四韻故奉常王公內翰吳舍人令狐渙相公屬和是歲十月一旦兵起隨駕西狩之稿咸棄丙寅歲在福建有蘇瞻以稿見授得無題詩因追咏舊詩關志甚多予按唐書辛酉乃昭宗天復元年丙寅乃哀帝天祐二年其序所謂丙寅歲在福建有蘇瞻授其稿則正依王審知時也稽之于傳與序無一不合者則集為偓作無疑筆談嫁名之說特未考其詳耳迂叟詩話北都使宅舊有退馬廳偓詩云外使進鷹初得按中官過馬不教嘶注云上乘馬必中官馭以進謂之過馬既乘之然後蹀躞嘶鳴蓋唐時方鎮亦效之因而名廳也復齋漫錄偓以翰林承旨謫嶺表道湖南謝人惠金桃詩云金鑿歲歲長宜賜忍淚看天憶帝都自注云每歲貢進之後先宜賜學士宣和書譜偓歌詩頗多其間綺麗得意者膾炙人口或樂工配入聲律粉牆椒壁竊咏者不可勝計行書亦可喜題懷素草書詩云怪石奔秋澗寒藤挂古松若教臨水畔字字恐成龍非潛心字學作語不能速此西清詩話偓詩驚見嗟嗟槐黃背鳳子輕盈膩粉腰事見崔豹古今注云蚨蝶大者為鳳子捫蝨新話子美云魚吹細浪搖歌扇

李洞云魚搖清影上簾櫳偓云池面魚吹柳絮行此三句皆言魚戲而韓為優許彥周詩話高秀寔言元微之詩艷麗而有骨韓偓香奩集麗而無骨時李端叔意喜韓詩誦其序云咀五色之靈芝香生九竅咽三危之瑞露美動七情秀寔云勸不得也勸不得也南唐近事偓捐館日有一篋緘鏘甚密家人發觀之中惟燒殘龍鳳燭百餘條蠟淚尚新蓋在翰院日昭宗名對金鑿深夜宮妓秉燭以送偓悉藏之識不忘也西溪叢話香奩集云後魏時相州人作李波小妹歌疑其未備因補之李波小妹字雍容云云偓所補似言閨房之意大非其寔比史廣平人李波宗族疆盛殘掠不已百姓語云李波小妹字雍容褰裙逐馬如卷蓬左射右射必叠雙婦女尚如此男子安可逢李安世設方畧誘殺之州內肅然野客叢書松江詩話曰有松棚詩一聯云採來猶帶烟霞氣月明滿地金釵細以為佳句恨不見全篇僕謂月照松影但見參差黑影耳安知其為金釵松葉比之金釵者謂月上月照松影則不可謂地上之影也不如曰月明滿架金釵細此語為得前輩謂韓退之聯句中竹影金瑣碎之語所謂金瑣碎者非直謂竹影也謂竹間之口影耳以此驗之益信僕之說為然韓偓詩曰長松夜落釵千股此語無病李涉詩曰疎林透明月散亂金光滴此正退之竹影金瑣碎五代詩話晁公武曰偓有君子之道曰馬唐之末南北分崩而忘其君偓雖崔元門生獨能棄家從上一也其時搢紳無不交通內外以躡取爵祿偓獨能力辭相位二也不肯草韋貽範起復麻三也不肯致拜於朱溫四也

詩曰風雨如晦鷄鳴不已偃之謂矣而宋子京薄之奈何按偃集唐藝文志一卷香奩集一卷宋志又有入翰林集一卷別集三卷偃在閣所為詩皆手自寫成帙宋嘉祐間龐穎公為清從容孫奕取奏之奕因得官故較唐志為多入翰林集不滿二十篇別集自出官及寓閩詩具在而及第前後諸作亦附焉若香奩集大槩未登第前作也茲彙翰林集別集編年為四卷香奩集合別集中一二豔詞為二卷附而畧譜其年于左俾讀者助其出處之繫云昭宗龍紀元年偃登進士前此懿宗咸通元年至僖宗中和元年二十二年中偃有香奩集自序云庚辰及辛丑作正兩元歲于也天復元年正月入翰林有召對及寓直等詩十一月昭宗劫遷鳳翔隨駕有隨駕詩三年正月還京未幾忤全忠貞有二月二十二日赴貶野途中詩次年甲子昭宗遷洛遇弒有八月六日詩自後詩記歲于不稱年號用陶靖節義例示不臣梁也甲子在湖南有夏五月自長沙抵醴陵詩尋入袁州至撫州乙丑寓撫州有聞復官不赴詩丙寅寓撫州是秋至福州主黃滔家見滔集跋丁卯寓福州有復官不赴詩是歲唐亡有感事詩三十四韻戊辰寓福州己巳寓汀州沙縣有類鄭左丞赴梁徵命及寄京洛親及令知病廢詩庚午寓尤溪尋寓桃林場閩志桃林溪去南安二十里或即其地辛未寓南安壬申寓南安有譏梁奉使即官笑余迂古詩癸酉寓南安有此地三年曾寄家詩及氣疾初愈詩方輿勝覽云偃卒鄭誠之為哀詞今墓在南安

幽獨

幽獨起侵晨山鶯啼更早門巷掩蕭條落花滿芳草煙和魂共遠春與人同老默默又依依凄然此懷抱

雨中

青桐承雨聲聲何重叠踈滴下高枝次打欹低葉鳥濕更梳翎人愁方拄頰獨自上西樓風襟寒帖帖

南亭

每日在南亭南亭似僧院人語靜先聞鳥啼深不見松瘦石稜稜山光溪澗澗澗澗蔓陵長茸島花垂小舊行簪隱士冠卧讀先賢傳更有興來時取琴彈一遍

乾寧三年丙辰在奉天重圍作

仗劍夜巡城衣襟滿霜霰賊火遍郊坰飛燭侵星漢積  
雪似空江長林如斷岸獨凭女牆頭思家起長歎

出官經硤石縣

天復三年二月二十二日

謫官過東畿所抵州名濮故里欲清明臨風堪慟哭溪

長柳似帷山暖花如醜逆旅訶簪裙

南路以久無儒服經過皆相聚悲喜

野老

悲陵谷暝鳥影連翩驚狐尾蠢遯尚得佐方州信是皇  
恩沐

早起五言三韵

自注甲子醴陵作

萬樹綠楊垂千般黃鳥語庭花風雨餘岑寂如村塢依

依官渡頭晴陽照行旅

暴雨

庚午桃林場作

電尾燒黑雲雨脚飛銀線急點濺池心微煙昏水面氣  
涼氛侵消暑退松篁健叢蓼亞頰茸擎荷翻綠扇風期  
誰與同逸趣余探遍欲去更遲留曾中久交戰

火蛾

辛未南安縣作此詩蓋有巧指

陽光不照臨積陰生此類非無惜死心奈有賊明意粉  
穿紅燭焦翅撲蘭膏沸為爾一傷嗟自棄非天棄

雨

坐來簌簌山風急山雨隨風暗原隰樹帶繁聲出竹間

溪將大點穿籬入餉婦寥翹布領塞牧童擁腫蓑衣濕  
此時高味共誰論擁鼻吟詩空佇立

閒步

莊南縱步遊荒野獨鳥寒煙輕惹惹傍山踈雨濕秋花  
僻路淺泉浮敗果樵人相聚指驚麇牧童四散收嘶馬  
一壺傾盡未能歸黃昏更望諸烽火

自撫州往南城縣舟行見拂水薔薇因有是作

丙寅

三月二  
十七日

江中春雨波浪肥石上野花枝葉瘦枝低波高如有情  
浪去枝留如力鬪綠刺紅房戰裏時吳娃越艷醺酣後

且將濁酒伴清吟酒逸吟狂輕宇宙

離家

八月初長夜千山第一程款顏唯有夢怨泣却無聲祖  
席諸賓散空郊匹馬行自憐非達識局促為浮名

漫作二首

暑雨洒和氣香風吹日華瞬龍驚汗漫蒼鳳絳雲霞元  
圃珠為樹天池玉作砂丹青能幾級何必待乘槎  
黍谷純陽入鸞霄瑞彩生岳靈分正氣仙衛借神兵汚  
俗迎風變虛懷遇物傾千鈞將一羽輕重在平衡

登樓有題

暑氣簷前過，蟬聲樹杪交。待潮生浦口，看雨過山均。才見蘭舟動，仍聞桂楫敲。寧雲朱檻好，終覩鳳來巢。

野寺

野寺看紅葉，縣城聞擣衣。自憐癡病苦，猶共賞心違。高閣正臨夜，前山應落暉。離情在煙鳥，遙入故關飛。

永明禪師房

景色方妍媚，尋真出近郊。寶香爐上熱，金磬佛前敲。蔓草稜山徑，晴雲拂樹梢。支公禪寂處，時有鵲來巢。

寄京城親友二首

苦吟看墜葉，寥落共天涯。壯歲空為客，初寒更憶家。雨

墻經月，蘚山菊向陽。花因味碧雲，句傷哉後會。賒相思凡幾日，日欲詠離衿。直得吟成病，終難狀此心。解衣悲緩帶，搔首悶遺簪。西嶺斜陽外，潛疑是故林。

草書屏風

何處一屏風，分明懷素蹤。雖多塵色染，猶見墨痕濃。恠石奔秋澗，寒藤掛古松。若教臨水畔，字字恐成龍。

早翫雪梅有懷親屬

甲子醜陵作

北陸候纔變，南枝花已開。無人同悵望，把酒獨徘徊。凍白雪為伴，寒香風是媒。何因逢越使，腸斷謫仙才。

歲九月在蕭灘鎮駐泊兩月忽得商馬楊追員外

書賀余復除戎曹依舊承旨還絨後因批四十字

丑乙

旅寓在江郊秋風正寂寥紫泥虛寵獎白髮已漁樵事  
徃悽涼在時危志氣銷若為將朽質猶擬杖於朝

向隅

丙寅秋至  
福州作

守道得途遲中兼遇亂離剛腸成繞指元髮轉垂絲客  
路少安處病床無穩時弟兄消息絕獨歛向隅眉

社後

社後重陽近雲天淡薄間目隨棊客靜心共睡僧閒歸  
鳥城銜日殘虹雨在山寂寥忘晤語何夕款柴關

息慮

息慮狎羣鷗行藏合自由春寒宜酒病夜雨入鄉愁道  
向危時見官因亂世休外人相待淺獨說濟川舟

晨興

庚午桃  
林場

曉景山河爽閒居巷陌清已能消滯念兼得散餘醒汲  
水人初起迴燈燕暫驚放懷殊未足圓隙已塵生

山院避暑

行樂江郊外追涼山寺中靜陰生晚綠寂慮延清風運  
塞地維窄氣蘇天宇空何人識幽抱目送冥冥鴻

閒興

景寂有元味韻高無俗情他山水雪解此水波瀾生影  
重驗花密滴稀知酒清忙人長擾擾安得心和平

悽悽

辛未高安縣

深將寵辱齊往往亦悽悽白日知丹抱青雲有舊蹊嗜  
鹹凌魯濟惡潔助涇泥風雨今如晦慙憐報曉雞

信筆

春風狂似虎春浪白於鷺柳密藏煙易松長見日多生  
涯採芝叟鄉俗摘茶歌道在無伊鬱天將奈爾何

隰州新驛

盛德已圖形胡為忽肆兵潦原雖自及誅亂不無名擲

鼠須防誤連雞莫憚驚本期將係虜末策但嬰城肘腋  
人情變朝廷物論生西來聞荒谷縊旋觀藁街烹帝怒今  
方息時危喜暫清始終俱以此天意甚分明

贈吳顛尊師

丙午庚年福州作

飲酒經何代休糧度此生跡應常自逸顛亦強為名道  
若干鈞重身如一羽輕毫釐分象緯袒跣揖公卿狗竇  
號光逸漁陽裸裎衡笑雷冬蟄震巖雷夜珠明月滑侵  
簪冷江光逼履清半酣思救世一手擬扶傾擊地嗟衰  
俗看天貯不平自緣懷氣義可是計烹亨議論通三教  
年顏稱五更老狂人不厭密行鬼應驚未識心先許開

金五言  
襟語便誠伊余常仗義願拜十年月

送人棄官入道

仙李濃陰潤皇枝密葉敷俊才輕折桂捷逕取紆朱斷  
繼三清路揚鞭五達衢側身期破的縮手待呼盧社稷  
俄如綴雄豪詎守株忸怩非壯志擺脫是良圖塵土留  
難住纓綵棄若無冥心歸大道回首笑吾徒酒律應難  
忘詩魔未肯徂他年如板宅為我指清都

感事三十四韵

丁卯作是年唐亡所云東海遂蔡  
田也山岳還青嶺似姑為閩言之

紫殿承恩歲金鑿入直年人歸三島路日過八花埭鴛  
鷺皆迴席臯夔亦慕羶慶霄舒羽翼塵世有神仙雖遇

河清聖慙非岳降賢皇慈容故拙公議逼陶甄江總參  
文會陳暄侍狎筵腐儒親帝座太史認星躔側弁聆神  
算濡毫俟密宣官司持玉硯書省擘香牋官司書省皆  
宮人職名唯  
理心無黨憐才膝屢前焦勞比實錄宵旰豈虛傳始議  
新堯曆將期整舜絃上自出東內幽辱勵心庶政延接丞相  
之暇日與直學士詢以理道將望昇平去梯言  
必盡灰席意彌堅上相思懲惡中人詎省憇鹿窮唯觝  
觸免急且獬豸本是謀賒死囚之致劫遷氛霾言下合  
日月暗中懸恭顯誠甘罪章平亦恃懼畏聞巢幕險寧  
寤積薪燃諒直尋鉗口奸纖益比肩晉讒終不解魯瘠  
竟難痊祇擬誅黃皓何曾識霸先嗾葵翻醜正養虎欲



求全萬乘煙塵裏千官劍戟邊斗魁當北折地軸向西  
偏袁董非徒爾師昭豈偶然中原成劫火東海遂桑田  
濺血慙嵇紹遲行笑褚淵四夷同效順一命敢虛捐山  
岳還青嶺穹蒼舊碧鮮獨夫長啜泣多士已忘筌鬱鬱  
空狂叫微微幾病癲丹梯倚寥廓終去問青天

寒食日沙縣雨中看薔薇

已

何處遇薔薇殊鄉冷節時雨聲籠錦帳風勢偃羅幃通  
體全無力酩顏不自持綠疎微露刺紅密欲藏枝愜意  
憑欄久貪吟放盞遲旁人應見訝自醉自題詩

桃林場客舍之前有池半畝木槿櫛比闕水遮山

因命僕夫運斤梳沐豁然清朗復覩太虛因作五

言八韻以記之

庚午

插槿作藩籬叢生覆小池為能妨遠目因遣去閒枝鄰  
叟偷來賞樓禽欲下疑虛空無障處蒙閉有開時葦鷺  
憐瀟灑泥鰯畏赫曦稍寬春水面盡見晚山眉岸穩人  
偷釣堦明日上碁世間多弊事事要良醫

江行

浪感青山江北岸雲含黑雨日西邊舟人偶語憂風色  
行客無聊罷晝眠爭似槐花九衢裏馬蹄安穩慢垂鞭  
已巳年正月十二日自沙縣抵邵武軍將謀撫信

之行到纔一夕為閩相急脚相名却請赴沙縣郊  
外泊船偶成一篇

訪戴船迴郊外泊故鄉何處望天涯半明半暗山村日  
自落自開江廟花數醞綠醅桑落酒一甌香沫火前茶

餘落快眼日土某世間多從軍事吏又習  
村戴戴亦醞異旅鄉醞異春水西盡見山  
更命來賞對會將不疑氣空無刺本  
林對村戴醞業主露不飲為請故  
言八時公請之  
因命對天對凡林本容於前則對縣太道

之行到篔一夕為閩相急脚相名却請赴沙縣郊  
外泊船偶成一篇

訪戴船迴郊外泊故鄉何處望天涯半明半暗山村日  
自落自開江廟花數醞綠醅桑落酒一甌香沫火前茶

